

10  
DISPUTATIO MEDICA  
INAUGURALIS

D E

# VARIOLIS.

Q U A M

FAVENTE DEO TER OPT. MAX.

*Ex Autoritate Magnifici D. Rectoris,*

JOHANNIS van MUYDEN,

J. U. D. Ejusdemque Facultatis in Inclita Academia  
Ultrajectina Professoris Ordinarii, Camerae Justitiae,  
quæ est Diœceseos Vianensis, Senatoris

N E C N O N

*Amplissimi Senatus Academici consensu, & Nobilissima  
Facultatis MEDICAE decreto,*

PRO GRADU DOCTORATUS,

Summisque in MEDICINA Honoribus & Privilegiis  
rite ac legitime consequendis,

*Eruditorum Examini subjicit*

JACOBUS VANDER STRATEN, Mediob. Zelandus.

*Ad diem 28. JUNII, hora locoque solitis.*



TRAJECTI ad RHENUM,

Ex Officina GUILLIELMI vande WATER, Aca-  
demiæ Typographi. clō 15 ccxiii.



VIRO. GENEROSISSIMO.  
**D. IOANNI. HIERONYMO.**  
**H V I S S E N.**

I. V. D.

VRBIS. MEDIOBURGENSIS. CONSVLARI.  
SOCIETATI. INDIAE. ORIENTALIS.  
PRÆPOSITIS. ADSCRIPTO.  
QVOD. ATTINET. PARTES. ZELANDIAE.  
TOPARCHÆ. IN. VETERI. ET. NOVO.  
VOSMEER. ETC. ETC. ETC.  
PATRONO. PERPETVVM. COLENDO.

NEC. NON.

VIRO. SPECTATISSIMO.

**D. GEORGIO. VANDER.**  
**S T R A T E N.**

VRBIS. CVLEMBVRGENSIS. SCABINO.  
PARENTI. OPTIMO. INDVLGENTISSIMO.  
PER. OMNEM. ÆTATEM. VENERANDO.  
HOC. QUICQVID. EST.

*SPECIMEN. INAUGURALE.*

D. D. D.

IACOBVS. VANDER. STRATEN.





DISPUTATIO MEDICA

INAUGURALIS,

DE

# VARIOLIS.

PROOEMIUM.



ominis Sublunarium omnium facile Principis, illud est fatum, quod in diffusis mundi hujus angulis, totoque Regionum vario nexu nihil reperiatur, quod magis adversitate sua premi voluerit Natura naturans, quæ ex ipsa propemodum calamitatum gravitate, & numero ponderari voluit Creaturæ hujus supra reliquas præeminentiam: Illum quam primum in lucem prodiit, tanquam naturali satellitio, mille stipant mala, hæc puerum excipiunt, Juvenem infestant, occupant virum, ut pauci numerentur, qui in senectam servantur, nec ab hisce opprimantur. Et vero (nec crepidam transcendamus) quam infinita hanc laceffunt morborum genera, quibus enumerandis, neque sufficit hætenus plurimis voluminibus prisca antiquitas, neque sufficiunt etiamnum Neotericorum magna ingenia quorum ferax est ævum nostrum: Quin alios in dies, aliosque optima verum Magistra Experientia, nec antea visos reperiri demonstret: non jam animus est ad stateram suspendere exoticos, quibus in Divinæ ultionis argumentum excipi, quandoque humanum genus perhibent, Historiæ in Herodibus, Ascalonitis, Agrypnis,



Antiochis, Valentibus, Copronimis, aliisque quam plurimis, neque illos, quos inter variores ponunt Medicorum Catalogi, sed Catastrophen exhibunt variolæ, morbus, qui mortales premat pene universos, licet communissimus, sævus tamen admodum, & violentus: Equidem si in Republica illum feralem hostem fas sit appellare, qui Provincias, Regna, ac ipsam sedem Regiam promiscue depopulando, ac evertendo, crudelitatis suæ æterna vestigia post se reliquit, quidni convenienti analogia variolas, ut hostem ferociorem acrius perstringamus, quippe, qui Regiam hominis exteriori sedem, nunquam scilicet satis admirandam humanæ faciei structuram, crudeliter devastant, & in iis quas passim fodunt, roduntque cavernis sui post se memoriam reliquit perennem, & detestabilem ab eo potissimum sexu, cui florentissimus decor præ omni alio, quod concessit Natura, in pretio est: Audet Crudelis hic humani generis hostis in ipsa Microcosmi sidera insurgere, oculos putamus, his infert lippitudines, imo interdum mæstissimam luminis Eclipsim, miseriarum sane omnium triste compendium: Illas vero maiorum species, quisnam omnes enumeret? Quas interiores affligendo partes, haud varo post se trahit, quod omnium est maximum, feralis hic hostis, nostra etiam memoria rapuit Regnorum, & provinciarum Augusta, Serenissimaque Capita, quæ enumerare hic loci mittemus; nam animus proinde est variolas, ceu hostem hominum Communem eæ, quam disquisitioni subicimus, Dissertatione Inaugurali explorare *DEUS Ter Optimus Terque Maximus Nostro Labori Benedicat?*

### T H E S I S .

**D**issertationem de Variolis tractaturi recta methodo, quid nominis illæ & quid rei sint, præmittemus paucis. Variolæ autem dicuntur quasi parvi vari, qui terminus Pathologicus antiquis fuit incognitus, vel etiam a variando, quoniam corpus cum facie variant: Græcis olim sub nomine *ξανθήματα* (quibus pustulæ eminentiores in cute erumpentes significantur) appellata fuisse patet ex Galeno 3. *Epid. Comm.* 3. *Tit.* 51. Belgice hic affectus nominatur *de Kinderpockjens*, German. *die Blättern*, vel *Pocken*, Gall. vocantur *les petites varioles*, *la picote*.

II. Variolæ sunt efflorescentiæ instar pustularum, & sunt albicantes



cantes brevi tempore & statim tunc fiunt rubræ, vel sunt parvæ maculæ inter cutim hærentes, uti alii volunt; Etiam nominantur hæ pustulæ parvæ ulcusculæ in cute repleta acri corrosivo pure, quæ raro ab extra Natura sese aperiunt, sed aliquando arte aperiuntur, ideo etiam Cutim lædunt, & ipsi relinquunt horrendas foveas, unicuique visu terribiles: Notum autem est malum hoc certis temporibus anni morbum esse Epidemicum, jam vere, postea æstate & etiam hyeme, aliquando gravius nunc levius, & minus periculosum: Imo aliquando solummodo morbus infantilis, quam ob rem nominatur Belg. *de Kinderpockjens*: Alio iterum tempore ab hoc malo Juvenes atque adolescentes corpore robustiores, atque firmiores corripuntur: Aliquando etiam morbus est senum, uti Authores in eorum observationibus testantur & sæpius experti fuerunt.

III. Differunt autem inter se variolarum species, secundum ipsam humorum varietatem in substantia, quantitate, qualitate, & excernendi modo: secundum substantiam, aliæ ex bilioso, aliæ ex melancholico, aliæ ex pituitoso, serosoque humore constant; secundum quantitatem aliæ magnæ, multiæ, profundæque, aliæ parvæ paucæ, superficiales: aliæ sunt distinctæ, aliæ confluentes, quæ licet essentialiter ut ajunt, non differant, per illustriora quædam symptomata, quæ hanc comitantur speciem, illam vero non item haud difficulter ab invicem discriminantur: Secundum qualitatem differentiarum ratione variationis inveniuntur variæ, aliæ albæ sunt, aliæ rubicundæ, subflavæ, lividæ, violaceæ, subnigræ, variegatæ &c. pro humoris ex quo constant varietate, seu diversitate: Aliæ, iterum duræ ob materiæ crassitiem, & cruditatem, aliæ molles ob materiæ aquositatem: Ratione excernendi modo; primo, tempus, quo excernuntur considerandum, differuntque ea consideratione, quod aliæ cito, & cum impetu, aliæ lente & paulatim erumpant, aliæ rursus diu durent, & tardius dissolvantur, aliæ citius evanescant: Secundo, locus excretionis, sive locus, in quo erumpunt, aliæ enim externas solummodo partes, principaliter autem faciem, manus, & pedes occupant; aliæ vero in internis erumpunt, suntque hæ vel evidentes, vel occultæ: Evidentes sunt quæ in oculorum palpebris, in naribus, in palato, lingua, faucibus &c. conspiciuntur: Occultarum autem series, est, quæ asperam arteriam, pulmones, jecus, Lienem, intestina, renes, uretrum, aliasque partes internas afficiunt.



IV. Tempora variolarum sunt quatuor (1) Ebullitionis, ubi massa sanguinea occupata est in ejicienda materia peccante ad latera cutis, in hoc statu observatur pulsus magnus, & vehemens, æstus summus, dolor capitis, dorsi, lumborum, anxietates præcordiales, palpitaciones cordis, narium pruritus, tumor, & rubor oculorum, tussis sicca, vomitus, lypothymia, motus convulsivi.

(2) Est tempus eruptionis, (quæ plerumque tertio die fit, & si tunc non observatur infantes ordinario quinto moriuntur die) ubi symptomata aliquo modo remittunt, & maculæ rubræ apparent, quod fieri solet viginti quatuor horarum spatio post invasionem. Notum quoque est hunc morbum nunquam, vel raro provenire absque febribus, sive magnis, sive parvis, etiam hunc morbum primis diebus non differre a morbillis, nempe primo proveniens parvis elevatis maculis rubescentibus: Quam ob rem Practici facile falluntur judicando; an erunt vel variolæ, vel morbilli; quare (si mihi venia data sit) unicuique suadeo judicium suum proferre in diem quartum, vel quintum, donec maculæ sese in Lucem edere incipiunt, nam morbilli plerumque tertio die incipient evanescere, & variolæ tunc primo fiunt proeminentes: Febres in utrisque affectibus imminuuntur, quæ plerumque per duos, vel tres dies eos fortiter affecerunt, præsertim si impetum faciunt in homines robustiores, & ætate nondum advectos.

(3) Dicitur efflorescentia, quod contingit quarto, vel quinto die, & tunc promovere debet medicus expulsionem, suppurationem, aut dolor aliquomodo sistendus: Multum autem differt an citius, an tardius incipiunt efflorescere hæ maculæ, etiam magna est differentia in quo cælo hic morbus furit: In calidis regionibus citius sese ostendit quam frigidis, vel temperatis, uti Autores volunt: Etiam efflorescentia multum differt secundum dissimilem structuram cutis, ejusque crassitiem.

(4) Est deflorescentia, ubi Crustæ, & Escharæ decidunt, & exsiccantur, hoc plerumque fieri solet decimo quarto, vel vigesimo die.

V. Quod variolarum attinet causam principalem, & proximam de ea intricatæ satis leguntur apud Autores disceptationes, adeo dissonantes, ut quid statuendum sit vix appareat: præsertim cum ejusmodi rationibus, & fundamentis nitantur, quæ non facile everti posse videntur, ut eam ob causam merito exclamare liceat cum *Virgilio*:

*Felix,*



*Felix, qui potuit rerum cognoscere causas.*

In eo quod omnes convenire videntur cum variolis omnes homines sint obnoxii, communem aliquam causam secundum *Hipp. lib. de nativ. hum.* esse inquirendam. Ad aërem ergo, qui ad vitam omnibus summe necessarius est, & inevitabilis malignam quandam, & occultam qualitatem communem hanc causam aliqui referunt. Epidemicus enim cum hic fit morbus, & per contagium in plurimos diffeminetur annos cum plures fileat, & certis annorum Intervallis sævire, rursus incipiat, imo pestem nonnunquam vel antecedit, vel sequitur (*verba sunt ingeniosissimi Fernelii*) unde & a *Rhase libro huic morbo dicato*, pestis nuncii variolæ dicuntur, vix alia causa quam insignior aëris corruptio a certis astrorum influentiis assignanda videtur. Aërem autem causam esse procatarticam hujus morbi, nullum amplius supersit dubium, quoque verum est res præternaturales ad hunc pertinere morbum, de quibus ulterius: Sed præcipua causa est aër, & quandoque unica, quæ sanguinem nostrum disponit ad maximam istam ebullitionem in corpore nostro promovendam, ex qua variolæ oriuntur: addere & hoc licet ex *Nobiliss. Dn. D. Sebizii Disput. 4. de variolis, & morbillis* stante *Fernelii* placito, sequeretur omnes variolas fieri per ebullitionem corruptivam, quoniam venenatus aër sanguineam Massam corrumpit: Quænam tunc materia illa sit, quæ in aëre prædominium habet quando hoc malum morbus est Epidemicus, adhuc in obscuro est, hoc tamen notum est, quod in peste venenum aliquod aëri sese communicat, & non solum infantes, sed etiam homines ætate provectiores inficit: Aliquando senes, quandoque homines hunc morbum passos, tamen venenum hoc nunc mitius, nunc fortius homines cruciat, tunc multi huic morbo vitam cum morte mutant, tunc vero pauci: Aërem repletum esse millenis particulis hæterogeneis, quæ sese aëri ex vaporibus telluris communicant, unicuique notum, & particulas istas transire posse ad sidera longe a se invicem remota, non innotescit. Nunc autem facile concipere possumus, particulas istas, in quibus venenum illud variolarum consistit, sese abdere posse in vestibis, in Lanis, & aliis materiis, quæ ab uno loco in alium transferuntur, & sic tellurem istam hoc morbo afficere, quod unus quisque mihi concedet in peste fieri: Nunc vero morbus iste considerandus est, tanquam pestis in minori gradu; Si quis considerat in quibus partibus morbus iste communicationem habeat cum alio isto morbo;



morbo; Differentia tantum consistit, vel in majori, vel in minori, & variolæ repugnant pesti, sicuti Morbilli variolis, nempe, si variolæ nulla graviora Symptomata secum ducunt: Nam nonnullæ sunt observationes Clarissimorum auctorum, quæ mentionem agunt, variolas tragœdiam suam extraordinarie egisse, & fere tot homines, ad interitum redigisse, tanquam pestis uti *Celeberr. atque Doctiss. Dn. Dn. Sydenham. obs. habet pag. mihi 274. & 275. de variolis istis pestilen. anno 1674. & 75. &c.* atque multi alii: Prout ergo ab hac aëris constitutione M. S. plus minus alteratur, & ad putredinem disponitur, eatenus variolæ nunc plus, nunc minus observantur malignæ, & periculosæ: *Conf. observ. Foresti lib. 6. obs. 44.* ubi ante centum annos dispositio aëris humida, tepida &c. Similem grassationem variolarum per totum Belgium intulit: Nonnullorum quoque est opinio, quoniam plurimi homines hisce pustulis, sed potius ulcusculis semel afficiuntur, causam variolarum esse sanguinem menstruum, infantes in utero materno contaminantem, quæ contaminatio nunc citius, nunc tardius & tandem a sanguine rursus depellitur, & ad cutim dimittitur, uti putant; Nam primo notum est corpus humanum, positis omnibus divisionibus ab ipso existentibus, plurimum consistere in nominatione partium solidarum, & fluidarum, & ambas istas consistere in continua mutatione particularum, quæ fit per transpirationem, & iterum acrescere ab aliis, loco avolarum, incrementumque illud fieri cibo, & potu, sine quibus vita consistere nequit: Magnus iste *Cancellarius Digby* recte annotavit quando mentionem agit de resurrectione, in Doctissimis istis Annotationibus *Tractatus Doctoris Brouws Religionis Medici*; Nos (stricte sic dicto) dicere non posse corpus illud possidere, quod ante viginti annos habuimus, quoniam quotidie parvis particulis, quæ a nobis secedunt, & in quarum loco, nutritione rursus aliæ particulæ sese insinuant, de materia mutare. Non invenuste ait, nos, nosmet ipsos quotidie comedere, hoc est cibo, atque potu continuo chylum accipere, & ab isto chylo rursus alias partes: quoniam quotidie a parvis istis particulis inutilibus mutamus, in quibus corporalis nostra distentio consistit: Nunc autem nullo modo complectendum est, quomodo talis materia venenosa in latebris corporis humani per tot annos maneret, donec tandem tempus inveniret, aërem secum ducere contagium aliquod, quod ipsam materiam juvaret ad fermentandum; unde tales horribiles pustulæ ad cutim mittuntur.



tuntur. Aspiciamus semel quomodo contaminatio fieri posset in utero materno. Notum est, foeminas primis tribus mensibus post conceptionem magnam quantitatem sanguinis in utero colligere, destinatam menstrue deponere: Nunc quidem comprehendendum est istum sanguinem, de quo parva adhuc tantum portio addicitur accretioni fœtus magnamque quantitatem corrumpere, quare fœminas sæpissime circa tempus trium mensium abortiuntur. Possibile quoque quidem est quantitatem hujus corrupti sanguinis transire posse ad fœtum contaminandum: Sed quando (hoc non obstante) fœtus porro ad novem usque menses forte, atque robuste adolescere pergit, tunc statuendum est contaminationem nullius esse momenti, non solummodo brevi post editionem Creaturam talibus horrendis ulceribus contaminare unde vita sub ictu est, multo minus possibile est, hoc multos post annos fieri posse. Scio quidem mihi obijci posse, hic solummodo præsupponi materiam tantum moveri ad fermentandum per appropinquationem alius rei ab extra; Sicuti ab aëre contagioso, vaporibus aliorum variolis laborantium, vel ab aliis causis: Sed tunc demonstrandum esset ubinam materia ista tamdiu perleveraret: In continentibus, vel in incontinentibus partibus, in solidis, vel fluidis humoribus, vel in intestinis, vel in quibusvis partibus internis, quomodo autem tunc possibile esset materiam istam non ab aliis rebus contagiosis ad fermentandum inclinare, & sic multos alios morbos contagiosos producere. Quamvis enim non concedamus sanguinem menstruum, quem aliqui volunt, nescio cujus veneni participem esse, sed ut recte *Galen. 5. Epid. comm. 3. t. 53. docet*. Meliorem sanguinem ad se trahere nutrimenti causa fœtum, deteriore autem relinquere, unde prægnantem pravis humoribus impleri, quos in partu natura evacuat, statuamus. Neque impuritates illæ sanguinis materni ipsam matrem inficere possunt, in eaque similes generare affectus, quamvis dictum fuerit ab *Hipp. lib. de nativ. puer.* tres esse partes in sanguine unam purissimam, qua nutritur fœtus, alteram impuriorem, qua nutritur mater, & tertiam impurissimam, quæ in venis uteri asservatur toto gestationis tempore, & post partum per Lochia expurgatur, & sic exinde videndum est sanguinis malignitatem ibi a se invicem secer- ni, & subtiliorem transire ad fœtum, & impuriorem remanere, ex quibus nullo modo concludendum sit sanguinem menstruum causam esse variolarum.



VI. Ut in omni morbo propemodum feliciterque curando plurima ratio sita est, si ex diagnosi, maturitate medicaminis periculum prævertatur, ita variolæ perniciosæ suis humoribus quo minus feriant, multum interest ex diagnosticis signis eas providisse: Signa autem ea tum imminentium, tum præsentium sunt sequentia; Ante omnia considerandum est, an in urbe, vel Regione, ubi habitamus multæ sunt variolæ regnantes, & an patientes, qui queri incipiunt morbum hunc unquam passi fuerint, licet tamen experientia docet quosdam fuere bis, vel ter passos: Uti *Borellus Exemplum habet Cent. 3. obs. 10.* de muliere quadam, quæ septies variolas passa fuit, & tandem anno ætatis suæ, 118. his ipsis variolis mortua: Si nunc hic morbus ubique regnat, tunc modo feбри quadam sciendum est hunc morbum instare; si tamen non Epidemica est, vel si patiens modo hunc morbum passus fuit, tunc minus solliciti esse debemus: Veritas autem hujus morbi sequentibus patet: primo febris adest irregularis, aliquando vehemens, aliquando vero valde debilis, raro autem ejus incrementum, vel decrementum certis temporibus sentiamus, in momento patientes quasi sunt calidi, alio iterum momento rursus sine externis causis temperati imo frigidi. Secundo, dolor capitis vehemens, & hoc signum adeo manifestum est, ut solummodo (si nempe febricula continua adest) fere considerare possemus variolas instare. Tertio, ad sunt Lypothymia, oscitationes, palpitationes cordis, magnæ anxietates, & inquietudines. Quarto, nausea, vomitus, licet ventriculus, & primæ viæ paulo ante purgatæ fuerunt. Quinto, diversa adhuc signa sunt diagnostica secundum differentias temperamentorum: Aliquando adsunt somnolentiæ graves, terrores in somno, somnia horribilia, deliria, tremores, convulsiones, sternutationes continuæ, ardores, & rubores; Aliquando etiam adsunt dolores punctorii in toto corpore, lachrymæ involuntariæ fluunt, splendores oculorum, pruritus, tumores faciei cum rubore, quæ omnia fiunt, vel a vaporibus inquantitate, vel qualitate excedentibus, per sanguinis ebullitionem in caput, diaphragma, aliasque partes transmissis, vel ab ipsa variolarum materia invadente: Sexto, ex Excretis erit urina sanorum urinis non dissimilis, (omnis enim materia vitiosa ad ambitum corporis propelli solet) ob magnam autem humorum ebullitionem, interdum turbidæ apparent: Ex qualitatibus, mutatio adest quoque faciei, & oculorum rubor, vox rauca, oris siccitas, corporisque plerumque universi asperitas.

VII. Va.



VII. Variolarum eventum Prognostica signa præmonstrabunt, quæ triplicia: Alia salutarium, quæ mortis nullum periculum: Alia periculofarum, quæ ipsam mortem præfagiunt: Salutares esse consueverunt variolæ, in quibus febris levis est, quæque post exitum variolarum cessat, aut admodum imminuitur, in quibus libera vox, respiratio facilis, ut & illæ, quæ primum rubræ, albæ, molles, distinctæ, paucæ, rotundæ, solas partes externas, non autem internas afficientes: denotant autem hæc omnia materiæ morbificæ benignitatem, paucitatem, obsequium, naturæque robur: Periculolas autem esse portendit, si tarde appareant, materiæ enim contumaciam, & naturæ imbecillitatem illæ demonstrant: Si nigræ autem appareant insignem ostendunt malignitatem, si magnæ, multæ, duplices, hoc quantitatem materiæ: Si nunc maculæ istæ conjunctæ sunt febribus purpureis, præcipue si sunt nigræ, vel lividæ, item si hæmorrhagiæ adsunt, indicant sanguinis acrimoniam, atque malignitatem, quæ naturam vehementer irritant, & ad præposteram illius excretionem compellunt: Si urinæ, atque fæces sunt nigræ, si febris ingens adest, & non imminuitur post eruptionem, si anxietas, magna inquietudo, respirandi difficultas, quæ si augeatur plerumque mortem prænunciat, si sitis ingens, significat autem humores malignos, atque venenatos nondum satis ad cutim esse propulso, sed in corpore adhuc, vel in M. S. maximam eorum partem restitisse, atque ebullire. Indicium quoque est, si internæ partes afficiuntur variolis, uti pulmones, intestina, fauces, jecur, vesica, diaphragma, quæ aliquando æquali clade a variolis corrumpuntur; *Ingeniosissimi Fernelii hac de re exstat testimonium, qui lib. 2. de abdit. rer. caus. cap. 12. se observasse scribit in quibusdam a morte disiectis, jecur, lienem, pulmones, omniaque intestina haud secus, atque cutim sordidissimis papulis infecta: Id quod etiam Paræus lib. 19. cap. 7. affirmat: Nimirum quando ob materiæ, vel copiam, vel malignitatem intra corpus, impuritates retinentur: Unde sæpe syncope, exitiosa Dysenteria intestinorum dolor, & similia symptomata conjunguntur.*

Lethales variolæ sunt virides, lividæ, & nigræ, quæ ex bile porocea, vel atra generantur, omnium pessima, quæ ubi egressæ sunt, statim evanescent, tumorque partium remittit; Eorum enim quibus ista recessio contingit, nullus evadit, sed ut plurimum post viginti quatuor horas vitam cum morte mutant: Urina sanguinea,



seu mictus cruentus in variolis quasi lethalissimum, uti etiam si sanguis purus, & sincerus supra, & infra excernatur nunquam evadunt mortem, notantibus *Forest. lib. 6. obs. 45. Schenk. lib. 2. observ. pag. mihi 761. Sydenham. de variolis confluent. pag. 13. & obs. morb. acutor. pag. 182. & 212, item River. prax. lib. 17. sect. 3. cap. 2. & cent. 1. observ. 71. Salmuth. cap. 2. observ. 70. M. N. A. C. ann. 3. observ. 76. unde & Hoechstet. dec. 1. cas. 7. 8. 9.*, non tantum urinas cruentas seu sanguinem per urinam, sed omnes omnino sanguinis tam per superiora, quam per inferiora dejectiones lethales offert.

VIII. Variolarum curam quod attinet, hisce omnibus, & singulis, cum ex triplici remediorum fonte, Chirurgico scilicet, & pharmaceutico, & diætetico satis fieri possit, omnia autem alia remedia, quamvis generosa, irrita sint, nisi vivendi ratio, quæ sex rebus non-naturalibus continetur, accommodata adjungatur (verba sunt *Galen. lib. de diff. febr. ult.*) a posteriori scilicet diætetico curationis telam ordiri placuit. Ut ergo cura præfixo ordine feliciter, cito, tuto, & jucunde instituat, fons Chirurgicus primus erit, qui salubre, imo saluberrimum, quandoque hoc in affectu ex scaturigine sua ad medicorum manus suppeditat auxilium, phlebotomiam nimirum, a qua bene ut fiat cura inchoanda; Si tamen eam ægrotantis ætas & plethora aliqualis perferre possit, quod si medicus primo morbi die non fuerit vocatus utiliter nihilominus vena secari poterit, atiam si variolæ apparere incipiant, quod tempus ad quartum usque diem a qua febris invasit, extendi potest: observandum tamen est, quam salubrem prædicavimus venæ sectionem in patiente plethorico variolis laborante, tam periculosa fere esse in benignioribus sine plethora: Si enim pustulis erumpere incipientibus, febris imminutio, symptomatumque remissio subsequatur, satius est totum negotium naturæ bene operanti relinquere, quæ totam materiam morbificam ad cutem sufficienter expulsura est. Verbo: in variolis ebullitione mere depurativa, vena secanda non est, in corruptiva vero venæ sectio maxime necessaria, (etiam in ea, quæ minoris malignitatis particeps) ita quidem, ut tertio & quarto die missio sanguinis usurpetur: In iis autem pueris, qui paulo adultiores, unica phlebotomia interdum non sufficit, sed erit iteranda, si febris intense perseveret, vel delirium, aliudve grave symptoma urgeat: Verum enim vero, si Phlebotomia propter ægrotantis ætatem tenellam fieri non possit, vel tempus idoneum transactum fuerit,



fuert, scarificatio utiliter adhibebitur appositis cucurbitulis dorso, scapulis, & femoribus, motus enim naturæ a centro ad peripheriam per eas adjuvatur, hinc fit ut in statu etiam conferre possint: Caveat autem sibi Chirurgus in puerilis præsertim a scarificatione profunda, ne sanguis fervidus, & ebulliens venulis discissis toto impetu per vulnuscula effluat, difficulterque cohiberi possit.

IX. Fonte Chirurgico itaque perspecto progrediamur ad Pharmacaciam, quæ multo uberior, infinitisque fere medicamentis ditior est, fonte Chirurgico, illa enim est, quæ ex triplici suo Regno, quasi rivis suis desumit medicamenta, ex Regno nimirum animali, vegetabili, & minerali, eaque vel simpliciter, vel spagyricè præparata dispensat, ut purgantia, vomitoria, alexipharmaca, diaphoretica, diuretica, anodyna, &c. ex quibus omnibus principaliter in hac nostra variolarum curatione, quatuor considerantur, purgantia nimirum, vomitoria, alexipharmaca, & diaphoretica: Utilissimum hoc in affectu ante eruptionem, & antequam febris incandescat purgatio (princidaliter post venæ sectionem) instituitur. Tunc enim si adsit Cacochymia utiliter ea purgatione imminuitur, ut natura postmodum alacrius expulsionem moliatur; at vero variolis apparere incipientibus purgatio instituta, est perniciosa. Tunc enim si maxima vigeat malignitas, ut in constitutione Epidemica, quando plurimi pueri ex morbo intereunt, melius est omnino a purgatione abstinere, quia in morbis valde malignis, & pestilentibus purgatio in principio morbi instituta valde noxia est; Fit enim motus motui naturæ contrarius, nempe a peripheria ad Centrum, unde etiam fit, ut quibuscunque variolis laborantibus, alvi fluxus contingit, recessioque variolarum repentina mors utplurimum consequatur, ut dictum in prognosi: Si quæ tamen purgatio instituenda erit ex medicamentis, blande operantibus, *rhabarbaro*, scilicet, *Cassia*, *Manna*, *Tamarinde*, *Syrupo rosaceo* &c. quibus tamen præferendam judico potiunculam sequentem, quæ pro arotantis ætate, & natura in dosi sua augeri, vel imminui potest.

℞. *Extract. Rhabarb.*

*Nitri Crystall. aa. ʒ℥.*

*Resin. jalapp. pineolat. gr. ij.*

*Syrup. rosar. solut. ʒij. Misce.*

Probe, & adde aq. scord. ʒ℥. detur ad pyxid. sign.

Exhibentur, & laudantur quoque post venæ sectionem loco purgantium.



gantium vomitoria, ex infusione croci metallor. ℥j. vel ℥ss. vel vini Emetici, iij, vel iv. cum aqua scordii, faniculi, fumarie, vel aliis appropriatæ. ℥ss. vel ℥j. vel etiam aliud Emeticum. Nota si alvus induratione variolarum adstricta sit, non irritari, sed sollicitari blandissime poterit, idque suppositoriis sine sale ex solo melle, urgente autem necessitate, si suppositoria ad laxationem alvi non sufficiant, secure, & cum sperato successu enemata fieri, & applicari poterunt ex lacte, jusculis, aut decocto hordei, passularum, liquiritie, &c. vel melius secundum formulam sequentem.

℞. decoct. emoll. ℔ss.

ol. lini recent.

Syrup. rosar. solut. aa. ℥ss.

Nitr. cryst. ℥j.

Vitell. ovor. recent. n. i.

Misce, & fiat Enema.

Nunc autem post evacuationes per venæ sectionem, & purgationem per superiora, & inferiora, (si necessariæ fuerunt) variolarum expulsio adjuvanda, & propellenda est, idque remediis specificis, diaphoreticis, sed refracta dosi, & alexipharmacis, præcipue si Epidemicæ fuerunt, summæque malignitatis periculum portentant: Decoctum huic morbo appropriatum, quod si necessitas urgeat, habeatur pro ordinario, fiatque ut sequitur.

℞. Rad. Liquirit.

Acetos. aa. ℥ij.

Scorzon. ℥j.

Hordei mund.

Lent. aa. ℥ss.

C. C. raspat. ℥ij.

Caric. ping. n. iij.

Passular. major. excort. n. xx.

Coquatur cum aq. font. ℔ viij. ad unius consumptionem, decoctum frige fiat, & pro usu decantetur. Cum successu quoque hoc in affectu ægrotantibus exhibetur pulvis sequens.

℞. Specif. ceph. D. M.

Pulv. Pannon. rubr.

Antim. diaph.

C. C. philos. ppt.

Nitr. cryst.

Matr.



*Matr. perlar. aa. ʒj.*  
*Lap. Bez.*  
*Unicor. marin. aa. ʒʒ.*  
*Fol. auri fin. n. iʒ. M. F.*

Pulvis, hic principaliter in principio febris conducit, & præterquam, quod febris malignitati resistat, eruptionem promovet: Sequens quoque pulvis egregium præstat ulum, atque omni resistit malignitati.

*R. Rad. contraj. ʒij.*  
*C. C. philos.*  
*Antim. diaph.*  
*Succin. albi ppt.*  
*Corall. rubr.*  
*Lap. canceror.*  
*Terra Lemnia vera.*  
*Unicorn. foss.*  
*Pulv. viperar. Italicar. aa. ʒj.*  
*Ol. citri veri gt. v. vel vj. M.*

Fiat pulv. dos. est augenda vel imminuenda pro ætate subjecti, v. gr. a gr. vj. ʒʒ. ad ʒj. & ʒʒ.

Cum autem pro pulveribus assumendis requiratur vehiculum, sequens Julebus exhiberi poterit.

*R. Aq. Scord.*  
*Flor. Samb.*  
*C. B.*  
*Fumaria aa. ʒij.*  
*Confect. alkerm. incompl. ʒij.*  
*Syr. acetos. citri ʒj. M. D. S.*

In hujus affectus principio, dum febris urget, præcipue emulsiones mirificæ sunt efficacix, quam ob rem sequentem subjungere volui.

*R. Sem. 4. frigid. maj. ʒʒ.*  
*C. Mar.*  
*Napi aa. ʒiʒ.*  
*Amygd. dulc. excort. ʒʒ. fiat.*  
*Emulsio L. A. cum aq. Scord.*  
*Fumaria.*  
*Samb. aa. ʒij.*

*Colaz.*



*Colat. adde C. C. phil. ppt.*  
*Unicor. Marm.*  
*Antim. diaph. aa. ℥j.*  
*Sacch. alb. ziß. D. S. Em.*

Pro quatuor, vel sex dosibus.

Plures quidem adjungi possunt formulæ, quas tamen brevitatis gratia omittens, moneo Medicamenta supra dicta non omnibus variolis laborantibus esse applicanda: Interdum enim tanto impetu erumpunt ut eorum motus aliquantisper sit cohibendus, & maxima ebullitio, fervorque sanguinis immodicus nisi temperentur ad exitum ægrotantis morbus finitur, ideo modice refrigerantibus utendum pro exemplo julebus hoc modo componi potest:

*℞. Aq. acetos.*  
*Tortnentill.*  
*Scabios. aa. ℥ij.*  
*Syrup. acetos. granator. aa. ℥ß.*  
*Conf. Alk incompl. ziß. M.*

F. Julebus pro quatuor, vel sex dosibus mane, & vesperi sumendis, ut & plura hujus generis, quæ continuanda erunt, usque dum fervor aliquantulum remiserit, postea vero ea, quæ expulsionem promovent ad manus sint, si horum auxilio Natura indigere videatur.

X. Hucusque de Cura variolarum universali partium affectarum externarum, jam autem paucis enarranda ea, quæ ad præservationem, & Curam (si qua opus sit) particularem partium pertinent: Sunt autem inter partes, quæ a variolis læduntur, internæ præprimis, & maxime propter periculum internecionis necessario præservandæ. Hinc Medicus a morbi principio utatur *decocto lentium, lactæ, tragacanthi*, quæ Intestina, Jecur, Lienem, Pectus, & reliqua universaliter præservant: Specificè vero Pulmonem contra variolarum invasionem defendunt, *Conserva rosarum violarum: Syrupus de jujubis, violaceus, myrtinus, de Rosis siccis, de papavere erratiko* &c. tunc etiam Eclegmata sequentia a Clarissimo Riverio laudata, e. gr.

*℞. Lent. excort. & subtiliss. tritarum ℥ijj.*  
*Sem. pap. alb. ℥j.*  
*Conserv. rosar. rubr. ℥ij.*  
*Syr. rosar. siccar. q. s. fiat.*

*Loch.*



*Loch. vel.*

*℞. Syrup. jujubin.*

*Violar. purp.*

*De rosis siccis.*

*Papav. alb. vel errat. aa. ℥j.*

M. & fiat Linctus, utaturque frequenter cochleatim sensim lambendo: Si vero jam præsens fluxio in pulmonem irruat, & raucedinem, vel suffocationem inducat, non solum remediis ante dictis cohibenda erit, sed etiam revellenda per scarificationes, venæsectionem &c. Si quæ tamen per contraindicantia non prohibeantur. Loch sequens quoque in usum vocabitur.

*℞. Sem. alth.*

*Melon.*

*Cucum.*

*Pap. alb. aa. ℥ij.*

*Pass. mund. N. vj.*

Loquantur in ℔j. aq. in qua dissolv. *Conserv. rosar. & violarum aa. ℥β. pulv. elat. diatragacanth. frigid. ℥iij. sacchari cand. & rosac. aa. q. s. fiat Loch*, fauces, & gutter præserventur sequenti gargarismate.

*℞. Fol. plantag. Mij.*

*Flor. rosar. rubr.*

*Violar. aa. ℔j.*

*Balaustrior.*

*Sem. sumach. aa. ℥ij.*

Bulliant in aqua millefol. & florum querc. aa. ℔j. ad tertiæ partis consumptionem, in Collatura dissolvatur, *syrup. granator. moror. rosar. aa. ℥β. nitri Cryst. ℥β. M. & F.* Gargarisma vel quod melius judico in patientibus tenellulis, principaliter, quæ gargarismata non admittunt, indetur illorum ori *butyri recentis cum saccharo albissimo* commixti parum, quod liquefactum sensim deglutiatur. Propinari quoque poterit Linctus, ex *syrup. violarum, rhead. granator. de Rosis siccis aa. ℥β. aque plantag. ℥j.* Quibus autem fluxio si cohiberi nequit, ob nimiam illius copiam, unde suffocationis periculum immineat, ea, quæ vias laxant, & excretionem juvant, usurpanda erunt in hunc modum:

*℞. Mucilag. sem. psyllii.*

*Amygd. dulc. recent. aa. ℥iβ.*

*Sacchar. albiss. ℥ij. M. F.*

C

Linctus



Linctus &c. Si ex fluxionis acrimonia, aut variolarum copia ulcus in faucibus genitum fuerit. *Aqua hordei cum melle rosaceo, vel aqua aluminosa* detergendum est: Inter partes externas, malo huic potissimum subjecta est facies, cui sæpissime rel.ictis, vel maculis, vel Cicatricibus perennem, & ingratam sui memoriam imprimunt, pro quibus explanandis usurpata sunt a variis varia, sed irritum plerumque eventu, neque enim extergentibus, nec aliis ejusdem generis desideratus effectus facile respondet: quod si tamen aliquid tentandum palmam probabilius ante alia ferrent Emollientia, & attrahentia, ut foveæ se attollant, eaque ratione facies evadat plana. Oculi mirum quantum acerrimo variolarum malo infestantur, ita ut perpetuam sæpe lippitudinem, caliginem, albuginem, imo tristissimam cæcitatem efficiant; quibus ut mature via obstruatur, leniendi sunt, quamprimum pustulæ exoriuntur, frequentius *Croco, & aqua rosarum*, quibus commisceatur *succus centinodia, & bursa pastoris depuratus*: Ubi uero in ipso oculo pustulæ suboriantur, crebra columbini sanguinis instillatione earum resolutio mature promovenda est: Si vero oculi intumescant, ut aperiri haud possint, sæpius abluendi sunt *decocto seminis lini, fanu graci, cydoniorum, malva*, quod pulso tumore efficiet, ut aperiantur.

XI. Fonte itaque pharmaceutico absoluto, nunc ad tertium fontem scilicet diæteticum pergemus, & illa, quæ ad patientis sanitatem spectent, paucis enumerabimus, nempe ut æger tranquillo sit animo, atque quantum fieri potest ab omni perturbatione alieno, si fecus ex lege connexionis ipsam quoque Naturam perturbabit, quo minus sit apta ad valide exequendum munus suum; præprimis vero longissime arceantur timor, & ira: Hæc enim majori æstu sanguinem turbat, & inflamat, ille sanguinem pravum ad interiora retractum circa cor detinet: Præterea quoad aërem, hoc autem est observandum, ne peccemus in excessu, vel defectu, id est, ne patiens nimis calide foveatur, nam alias vires depauperentur, & non satis sufficientes essent ad materiam illam e corpore ejiciendam, unde aliquando oriretur suffocatio, multaque alia graviora symptomata: Quoad frigiditatem, neque etiam sit nimis vehemens, nam alias sanguis in motu suo impediretur, & sic patiens miserrime vitam cum morte mutaret: Quantum ad victum, ille pro acutorum morborum more, (inter quos variolæ numerandæ sunt) tenuis sit, præprimis morbi initio, quando natura cum ipsa noxia materia expellenda adhuc in confli-



Estu est; ubi tamen illa rursus, quam ante de calore monuimus, moderatio observanda, ne pariter ea tenuitate victus ipsæ quoque vires extenuentur: Abstinendum autem est, ab ovīs carnibus, cibis acribus, falsis, pinguibus, dulcibus, fructibus æstivis, dandi moderate refrigerantes, & adstringentes, partes internas roborantes, fervorem sanguinis temperantes: Sed quid de lentibus sentiendum, eas neotericorum aliqui, ut nocivas rejiciunt, quibus non censeo subscribendum esse, quod contrarium suadeat prævalens authoritas, & ratio, sua enim vi adstringendi, & increassandi coercent nimium humorum fervorem, prohibentque impetum in partem nobiliorem: Quod si tamen ipsa materia noxia crassa judicetur, & segniter eam natura expellat, minus apte illæ præscriberentur, eadem enim ratio ante dicta, quæ earum ordinationem suadebat, nunc in casu contrario, ex contrariorum regula id vetat: Pro potu vinum nondum eruptis exanthematibus prorsus non convenit, sed substituenda vel tenuis cerevisia, vel decoctum de quo supra. Somnus toto morbi decursu moderatus noxius autem est diuturnior, priusquam pustulæ in totum erumpant, tunc enim suadendæ potius vigiliæ solito longiores. Corpore æger aliquando quiescere potest, ne calor natus, qui in materiæ morbificæ expulsionē est occupatus, nimirum dissipetur. Alvus, qua ratione tractanda sit, & sese habeat, de ea in præcedentibus fuit actum: Atque sic Disputationi nostræ Coronidem imponemus.

---

## C O R O L L A R I A.

- I. *Uterus in gravidis tenuior fit, sed non crassior.*
- II. *Infans in utero materno non respirat.*
- III. *Febris quamvis calida, tamen non curanda per refrigerantia.*
- IV. *Dulcia hystericis sunt noxia.*
- V. *Dantur Clysteres nutrientes.*
- VI. *Resolventia in omnibus inflammationibus non sunt applicanda.*

F I N I S.



I N  
L A U R E A M M E D I C A M

*Viri Præstantissimi & Doctissimi*

JACOBI VANDER STRATEN,

**R**espexit nostros vixdum Pax alma Penates,  
Vix & apud Belgas arma timenda silent,  
Ecce salutiferas Comites Pax aurea monstrat,  
Huic & Diva Salus, huic Hygieia comes.  
Diva hæc pacificam conspectat leniter urbem  
Trajecti, atque, locus sit mihi sanctus, ait,  
Hicce ego perpetuas cupiam mihi figere sedes,  
Hicce sacerdotes, fiat & ara mihi!  
Mox juvenes meritis præstantes signat ocellis,  
Arte ex Pæonia qui sibi sacra parant:  
Hos inter fulget, tanquam nova lumina Phœbes  
Æthere ceruleo sidera cuncta fugant,  
Artis Apollinææ non ultima gloria doctæ  
STRATENIUS, Medicam cuique daturus opem.  
Ille, inquit, noster merito de more Sacerdos  
Fiat, & ingenio floreat Ille suo.  
Ergo & Apollinea nectuntur tempora lauro  
STRATENI, capiti gloria magna Tuo!  
Trajectum Juveni validi cunabula quondam  
Monstravit studii, doctaque dona dedit;  
Addidit & post hæc doctissima plurima Jena;  
Trajectum tandem docta coronat opus.

A. R E E T S.